



Broj: 01-50-4-986-4/20

Sarajevo, 25. 6. 2020.

## Z A P I S N I K

### **4. sjednice Privremene istražne komisije Predstavničkog doma Parlamentarne skupštine BiH za utvrđivanje stanja u pravosudnim institucijama Bosne i Hercegovine**

Sjednica Privremene istražne komisije Predstavničkog doma Parlamentarne skupštine BiH za utvrđivanje stanja u pravosudnim institucijama Bosne i Hercegovine (u daljnjem tekstu: Privremena istražna komisija) održana je 25. 6. 2020, s početkom u 14 sati, u sali 1/I.

Sjednici su prisustvovali članovi Privremene istražne komisije: Damir Arnaut, Alma Čolo, Dragan Mektić, Zlatan Begić, Mirjana Marinković-Lepić, Zukan Helez i Branislav Borenović.

Opravdano odsutna bila je Mira Pekić.

Sjednici su, također, prisustvovali: Lana Vuletić iz Misije OSCE-a BiH, Zoran Brkić iz Sektora za odnose s javnošću, i Sonja Abdulovski, stručna savjetnica u Ustavnoj komisiji Predstavničkog doma koju je Kolegij Sekretarijata Parlamentarne skupštine BiH obavijestio da pruža stručnu i administrativno-tehničku podršku Privremenoj istražnoj komisiji, te predstavnici medija.

Za sjednicu je predložen i usvojen sljedeći

## DNEVNI RED

1. Pritisak na nosioce pravosudnih funkcija;
2. Tekuća pitanja.

### **Ad. 1. Pritisak na nosioce pravosudnih funkcija**

Predsjedavajući Privremene istražne komisije otvorio je raspravu o ovoj tački dnevnog reda u kojoj su, osim njega, učestvovali: Mirjana Marinković-Lepić, Branislav Borenović, Zukan Helez, Alma Čolo, Dragan Mektić i Zlatan Begić.

Nakon rasprave, članovi Privremene istražne komisije jednoglasno su usvojili sljedeće zaključke:

- a) Osuđuje se izjava predsjednika Visokog sudskog i tužilačkog vijeća BiH (VSTV) od 19. 6. 2020. kojom se nosiocima pravosudnih funkcija nalaže da ne sarađuju s Privremenom istražnom komisijom;
- b) Izražava se zadovoljstvo zaključcima VSTV-a od 24. 6. 2020. koji su u suprotnosti s tom izjavom, te kojim se navedena zabrana otklanja;
- c) Podsjeća se da princip provjera i ravnoteža predstavlja sami temelj slobodnog i demokratskog društva. Instruiranje zvaničnika pravosudnog sektora da ne sarađuju s parlamentarnom komisijom podriva i odgovornost i nezavisnost pravosuđa;
- d) Ohrabruju se nosioci pravosudnih funkcija da sarađuju s Privremenom istražnom komisijom u pravcu ispunjenja ciljeva i zadataka koje je utvrdio Predstavnički dom Parlamentarne skupštine Bosne i Hercegovine, u skladu sa Zakonom o parlamentarnom nadzoru i Poslovníkom Predstavničkog doma;
- e) Zahtijeva se od svih nosilaca javnih funkcija da se suzdrže od upućivanja ultimatumá, neutemeljenih zabrana i drugih vidova pritiska prema nosiocima pravosudnih funkcija;
- f) Privremena istražna komisija ostaje u potpunosti opredijeljena da se ispuni mandat koji je ovoj komisiji dodijelio Predstavnički dom PSBiH.

## **Ad. 2. Tekuća pitanja**

Predsjedavajući Privremene istražne komisije otvorio je raspravu o pitanju mogućnosti prisustva građana sjednicama Privremene istražne komisije. U raspravi su učestvovali: Damir Arnaut, Branislav Borenović, Zukan Helez, Alma Čolo, Zlatan Begić i Mirjana Marinković-Lepić.

Nakon rasprave, Privremena istražna komisija jednoglasno je usvojila sljedeći zaključak:

Privremena istražna komisija traži od Kolegija Sekretarijata Parlamentarne skupštine BiH da je do naredne sjednice obavijesti o mogućnosti, kao i o svim procedurama eventualnog prisustva građana sjednicama Privremene istražne komisije.

Privremena istražna komisija jednoglasno je usvojila i sljedeći zaključak:

Zadužuju se zaposleni u Sekretarijatu koji pružaju stručnu i administrativno-tehničku podršku Privremenoj istražnoj komisiji da jednom mjesečno članovima Privremene istražne komisije dostave listu svih materijala pristiglih za Privremenu istražnu komisiju.

Dogovoren je termin za narednu sjednicu za 2. 7. 2020. na kojem će, u svojstvu svjedoka, biti saslušani direktor Agencije za prevenciju korupcije i koordinaciju borbe protiv korupcije BiH, direktor Agencije za javne nabavke i sudija Okružnog suda u Banjoj Luci.

Također, dogovoreno je da će u ponedjeljak, 6. 7. 2020, u svojstvu svjedoka biti saslušan sudija Suda Bosne i Hercegovine.

Sjednica Komisije završena je u 15.20 sati.

**Sekretar**  
**Privremene istražne komisije**  
**Sonja Abdulovski**

**Predsjedavajući**  
**Privremene istražne komisije**  
**Damir Arnaut**